

1195 sinu cecidisse: ac tum demum Brundusinis, qui eos auxilio com meatuque juverant, arma illata: quibus post multas clades, confessione erroris expressa, pacem victor Venetus reddiderit. Peregrinus Aquilejensis Antistes, ut Taurisinos, cum quibus apertas exercebat inimicitias, opportuno ad omnem injuriam haberet, Venetis novo fœdere se junxit: a quibus civitate donatus, ampla in urbe prædia emisse dicitur: auxilia præterea, quotiens opus esset Veneto nomini, ex fœdere est pollicitus. In Peregrini igitur gratiam Taurisinis est urbis commercio interdictum.

1198

Per hæc ferme tempora major quædam propagandi Imperii occasio est Venetis oblata. Præerat Græciæ Imperio per id tempus Isachus, homo Christiani nominis amicissimus: cujus fida opera fidoque hospitio (quod in aliis, qui eum præcesserant, raro ob insitum genti in Christianos omnes odium evenerat) Galli & Germani duces in Asiam transmissuri nuper usi fuerant. Huic frater erat minor natu, Alexius nomine, cui adeo ille semper indulserat, ut præter nomen Imperii, quod penes se esse voluit, cum eo ex æquo viveret. Appenderat ad hæc Isachus non multo ante barbaris hostibus (in quorum potestatem ille sua temeritate venerat) magnum auri pondus. Sed ingrattissimus frater beneficiorum omnium immemor, Isachum dolo captum excæcat, excæcatum in navicula conjicit: nec uno contentus scelere, filium quoque fratris adhuc puerum (quippe qui annum duodecimum nondum egressus erat) ad id quoque supplicium studio requirit. Is amicorum consilio, & præmatura, qua dicitur, fuisse prudentia, in ea rerum trepidatione salutem effugio adeptus est. Erant ea tempestate Venetorum opes quam validissimæ. Nam verno ejus anni tempore Bonifacius Monferratensis, Baldoinus Flandriæ, & Henricus Pauli Comites, & cum his Allobrogum & Montisferrati Duces in Asiam adversus Turcos Sarracenosque moturi Venetias venerant. Sunt qui legatos ab his prius missos dicant: sed plures hoc habent. Principes coram cum Venetis pacti sunt, ut octo peditum millia, quatuor equitum & quingentos, com meatus ad

hæc

*Isachus ab Alexio fratre imperio privatus, in carcerem conjectus est.*

1201

*Christiani duces in Turcos moturi Venetias venerant.*